


Tinejdžerki slomio kosti lica i nos, te izbio zube: Nisam kriv

31-godišnji Kovačević 18-godišnjakinju je tukao šakama i nogama, a kako pokazuje snimka nadzornih kamera, nesretnu je djevojku udario nogom u glavu dok je bespomoćno ležala na podu kafića



Vrhovni sud Hrvatske odlučio je da će se 31-godišnjem Darku Kovačeviću Daruvarcu, optuženom za krvničko premlaćivanje 18-godišnje djevojke, ipak suditi u Zadru, zbog čega mu je jutros na Općinskom sudu započelo suđenje koje je 11. oktobra odgođeno zbog zahtjeva njegovog advokata Andreja Korljana, piše "[Index](#)".

Daruvarac je iz pritvora doveden u lisicama i pratnji pravosudne policije, a 18-godišnjakinja se nije pojavila u sudnici jer se nalazi u Kliničkoj bolnici Dubrava gdje je podvrgnuta operaciji nosa kao posljedici premlaćivanja.

20 ŠAVOVA NA LICU

"Za djelo prijetnje ne osjećam se krivim jer je to konstrukcija majke i njene kćerke. Za ovo drugo djelo ne smatram se krivim onako kako mi se stavlja na teret optužnicom", rekao je Daruvarac nakon što mu je državni advokat Igor Vučić pročitao optužnicu kojom se tereti za prijetnju i nanošenje teških tjelesnih povreda, piše Zadarski.

Njegov advokat je rekao kako će u postupku dokazati kako se prijetnja nije dogodila te da se sve odigralo na drugačiji način od onoga koji se Daruvarcu stavlja na teret optužnicom. U tom je pravcu predložio niz svjedoka.

Podsjetimo, 31-godišnji Kovačević 18-godišnjakinju je tukao šakama i nogama, a kako pokazuje snimka nadzornih kamera, nesretnu je djevojku udarao nogom u glavu dok je bespomoćno ležala na podu kafića na zadarskoj Meladi. Slomio joj je kosti lica i nos te izbio zube, a djevojka je dobila 20 šavova na licu.

TVRDIO DA GA JE PROGANJALA

Neposredno nakon izživljavanja nad tinejdžericom koja se nije ni pokušavala braniti, a prije dolaska policije, Kovačević je iza 22 sata pobjegao iz Zadra. Od plana da pobjegne u Bosnu i Hercegovinu očito je ipak odustao jer se sljedeće jutro vratio u Zadar, gdje ga je policija uhitila oko 10 sati.

Nakon što je uhapšen branio se tako što je rekao da je 18-godišnjakinja koju je premlatio njegova bivša djevojka s kojom je prekinuo, ali se ona nije mogla pomiriti s prekidom te ga je proganjala. Tvrdio je da je njega kao muškarčinu bilo sram prijaviti da ga cura proganja.

Policija je nakon što je provela svoju istragu Kovačevića kazneno prijavila za nanošenje teške tjelesne ozljede i prijetnje djevojci koju je mlatio.

Za nanošenje teških tjelesnih ozljeda kazna je od šest mjeseci do pet godina zatvora, a za prijetnju do jedne godine, no ako je nesretnoj djevojci prijetio prije premlaćivanja upravo teškim tjelesnim ozljedama ili ubistvom, sud mu može izreći kaznu do tri godine zatvora.

Opasna igra Zagreba sa BiH

Vlada Hrvatske predstavlja se kao advokat navodno potlačenih zemljaka u susjednoj BiH. U to spada, kako je suditi po njenim postupcima, i dovođenje u pitanje postojanja ove zemlje, piše Tageszeitung iz Berlina.



“[Tageszeitung](#)” iz Berlina u tekstu Ericha Rathfeldera pod nazivom “Opasna igra Zagreba sa BiH”, koji u cjelosti prenosimo, piše:

“Hrvati u BiH imaju u susjednoj Hrvatskoj prominentne zagovornike. I premijer Andrej Plenković i predsjednica Kolinda Grabar-Kitarović pokušavaju mjesecima posebno u Briselu da u centar diskusije stave “potlačene Hrvate”. Po njihovim riječima Hrvati u BiH nemaju ista prava kao drugi konstitutivni narodi. Oni moraju da se bore za očuvanje svog identiteta, pri tome ih izborni sistem dovodi u jako nepovoljan položaj.

HDZ – vladajuća stranka u Hrvatskoj a prije svega njen ogranak u BiH glasno traže reviziju izbornog zakona. Ustavni sud im je 2017. čak i dao pravo, međutim ta presuda je u suprotnosti sa poimanjem prava Evropskog suda za ljudska prava u Strazburu. HDZ smatra da je u nepovoljnom položaju jer u Federaciji BiH svi građani, dakle i Bošnjaci, smiju birati hrvatskog člana

Predsjedništva BiH. S obzirom da je na taj način u Predsjedništvo BiH izabran Željko Komšić koji je Hrvat lijevo-liberalne orijentacije, glavni kandidat nacionalističke desnice Dragan Čović ostao je praznih ruku.

To je ponukalo vladu ali i predsjednicu susjedne države Hrvatske da krene u diplomatsku ofanzivu. U to spada i dovođenje u pitanje postojanje Bosne i Hercegovine. Sve otvorenije konzervativni i desno-radikalni političari u Hrvatskoj i BiH traže „treći entitet”. Pored Republike Srpske, kojom vladaju Srbi, sada bi po mišljenju Hrvata trebalo podijeliti i Federaciju BiH: teritorije na kojima dominiraju Hrvati trebalo bi po njihovom mišljenju odvojiti i formirati entitet „Herceg Bosnu”.

Paradržava „Herceg Bosna” postojala je još za vrijeme rata od 1992. do 1994. Tadašnje rukovodstvo pod ultradesničarskim predsjednikom Mate Bobanom željelo je da, kao i Radovan Karadžić sa srpske strane, podjeli BiH. I Hrvati su tada počeli sprovoditi etničko čišćenje, zbog čega je njihovo cjelokupno rukovodstvo osuđeno u Hagu na dugogodišnje zatvorske kazne.

“HDZ se sve više razvija u nazadnu snagu”

Hrvatska isto kao i Srbija, kako se pribojavaju mnogi, teži teritorijalnoj podjeli BiH. Prema riječima pisca, režisera i socijaldemokrate iz Sarajeva Gradimira Gojera, koji se kao i Željko Komšić svrstava u Hrvate i to – po samodefiniciji – iz tabora nenacionalista, HDZ se sve više razvija u nazadnu, desno-radikalnu snagu. HDZ pokušava rehabilitirati ne samo zločine proteklog rata već i zločine hrvatskih fašista – ustaša iz 2. Svjetskog rata.

Hrvatska desnica osjeća se okriljena, jer status Hrvatske kao članice EU može koristiti kako bi podržala nacionalističke snage u BiH. Ali i zato što može računati sa podrškom Mađarske i Poljske.

“Nakon uspješnog Svjetskog prvenstva u fudbalu djeci je dozvoljeno da u ustaškim uniformama javno koriste ustaški pozdrav „Za dom spremni”. Sportski uspjeh koristi se za „ustašizaciju” društva, kaže Gojer i dodaje da se mladi odgajaju da mrze druge.

Na posljednjim izborima 7. oktobra su lijevo orjentisane, nenacionalističke partije u bošnjačkim i etnički miješanim sredinama dobile prevlast. Tako je antinacionalistička Naša stranka na užem području Sarajeva najjača politička partija.

Stoga je hrvatskim nacionalistima postalo teže da sprovode svoju politiku koja za cilj ima podjelu stanovništva, nada je koja se čuje iz diplomatskih krugova u Sarajevu”, piše Tageszeitung iz Berlina.

Erich Rathfelder je dugogodišnji dopisnik lista Tageszeitung iz Berlina za područje jugoistočne Evrope. Studirao je istoriju, političke nauke i filozofiju na Univerzitetu Ludwig Maximilian u Minhenu i Slobodnom univerzitetu u Berlinu. Nakon zabrane ulaska u DDR i zemlje bivšeg Varšavskog pakta, 1987. je počeo izvještavati sa Balkana, između ostalog o ratovima u Sloveniji i Hrvatskoj a potom i o ratu u BiH. 1997. pratio je događaje na Kosovu. 1998. ga je vlada u Srbiji proglasila nepoželjnom osobom, nakon čega je morao napustiti Kosovo. Nakon rata na Kosovu ta zabrana je ukinuta. Rathfelder živi i radi kao slobodni novinar u Sarajevu i Splitu.

Haber.ba

OVO JE HRVATSKI MINISTAR KOJI

**OTIMA BOSANSKU IMOVINU:
Zdravko Marić je godinama
uništavao Agrokor, sada je na
putu da uništi odnose
Hrvatske sa susjedima!**

**Hrvatski ministar državne
imovine Zdravko Marić je
odlučio povući jedan od
najkontroverznijih poteza u
svom mandatu. Prema unisonoj
ocjeni hrvatskih medija,
Marić se svojim potezom
izazvati nove političke
trzavice sa Bosnom i
Hercegovinom i Srbijom, dok
je investitorima ponudio
ulaganje s priličnim pravnim**

rizikom.



U subotu je Ministarstvo državne imovine Hrvatske objavilo oglas u kojem poziva ulagače na predaju ponuda za zakup 15 objekata turističke namjene i to na rok od 30 godina. Redom se radi o bivšim radničkim odmaralištima za vrijeme socijalizma. Većina oglašanih objekata se nalazi u mjestu Gradac na Makarskoj rivijeri, a po jedan je objekt na Rabu, u Biogradu na moru i Slanome.

Početne cijene godišnjeg zakupa su niske u odnosu na izvrsne lokacije objekata. Ukupno za sve objekte, ministarstvo godišnje planira uprihoditi barem 988.000 kuna. Hrvatski mediji navaode primjer vile koja je samo šest metara od mora u Gradcu, površine 368 kvadratnih metara, ponuđene za 7.360 kuna godišnje. Međutim, osim što se radi o prilično ruiniranim prostorima, problem je što svi ti objekti nisu vlasništvo Republike Hrvatske, nego većinom Bosne i Hercegovine ili njenih fitmi i sindikata, a manjim dijelom i srpskih. Ministar Marić je oglasio zakup čak tri objekta koji u ovom trenutku prodaje Agencija za privatizaciju Federacije Bosne i Hercegovine.

Hrvatska je na prijedlog ministrira Marića usvojila novi zakon o upravljanju državnom imovinom koji je omogućio aktiviranje imovine koja skoro tri decenije stoji zapuštena i opustošena.

-Ti objekti ugrožavaju sigurnost i zdravlje i građana i turista jer se nalaze uglavnom na samoj obali – kratko je

odgovorio Marić na upit hrvatskih novinara.

Zakon o upravljanju državnom imovinom usvojen u maju jasno propisuje da do "sklapanja odgovarajućeg međunarodnog ugovora ili do donošenja odluke o izuzimanju od zabrane raspolaganja, Ministarstvo je ovlašteno dati u višegodišnji zakup ili neki drugi oblik raspolaganja nekretnine do najviše 30 godina". Nadalje se navodi da te nekretnine mogu biti upisane i kao društvena imovina ili općenarodna imovina s pravom korištenja onih koji u Hrvatskoj nemaju sjedište i pravnu osobnost.

Zakon je krojen upravo za ove objekte jer u zemljišnim knjigama stoji da ih koriste ili su vlasništvo sindikata, poduzeća iz BiH i Srbije. Već i sama imena tih nekretnina su relikti nekih drugih vremena i pokazuju ko na njih polaže pravo. Primjerice, tu su odmarališta "Saobraćajac", "Građevinari", "Robna kuća Beograd", "Partizan", "Pionir", "Trgovci", "Đuro Salaj"...

Problemi te imovine nisu riješeni međudržavnim ugovorima, a za neke objekte se vode i sporovi u matičnoj državi. U Srbiji se pitanje bivših radničkih odmarališta u Hrvatskoj povremeno otvori, a ima ih i više nego što je sad oglašeno.

Direktora Agencije za privatizaciju Federacije BiH Amira Bekrića je oglas iznenadio iako kaže da je bilo najava da bi se to moglo dogoditi. Bekrić je za hrvatske medije objasnio da su dva oglašena objekta, Valter Perić i Đuro Salaj, knjižno vlasništvo Elektroprivrede BiH na koje pravo polaže Federacija BiH, te su ih zato oni procijenili i stavili na prodaju još prošle godine. Vila Bosanka je vlasništvo Željeznica Federacije i također su je procijenili i spremili za prodaju. Ostale nisu pod njihovom ingerencijom jer sindikati polažu pravo.

– Van pameti je to što će sada Hrvatska dati te objekte u zakup. Razumijem da je Hrvatska suverena država i da može donositi svoje zakone, ali mi ćemo reagirati prema svim

tijelima BiH, od predsjedništva do Ministarstva vanjskih poslova da pošalju protestnu notu zbog takvog poteza – kazao je Bekrić.

Podsjećamo, ljetos je ministar pravde BiH Josip Grubeša jasno u pismu Hrvatskoj vladi ustvrdio da bi bilo kakvo otuđenje imovine BiH bilo nevažeće, te je pozvao da se spor riješi bilateralno.

Puno žešće su na usvajanje zakona reagirali predstavnici sindikata jer su predvidjeli da će se upravo dogoditi ono što je sada uradio ministar Marić.

– To je pljačka države nad drugom državom – rekao je u maju za bosanske medije Miralem Terzo, predstavnik sindikata građevinara koji se bori za imovinu u Hrvatskoj.

U svakom slučaju, uprkos niskoj cijeni zakupa, potencijali ulagači u nekretnine koje je oglosio ministar Marić će biti suočeni s pravnim rizikom. Ako pristanu na zakup na 30 godina, uredi ruševna odmarališta, a onda se promjeni vlasnik, pitanje je kako će se njihova ulaganja.

KO JE MINISTAR MARIĆ

Hrvatski ministar Zdravko Marić dolazi iz Agrokora gje je radio od 2012. godine, kada ga je Todorić postavio za izvršnog direktora za strategiju i tržište kapitala. Četiri godine bio je zadužen za međunarodno financiranje koncerna i odnos s investitorima. Upravo za onaj dio poslovanja koji se pokazao najproblematičnijim za Todorića i gdje je žarište potresa koji je do temelja uzdmao Agrokora.

BoljaBosna.com

Uhapšen Emdžad Galijašević, bivši gradonačelnik Bihaća

Jutros je u Bihaću uhapšen bivši gradonačelnik ovog grada Emdžad Galijašević, zajedno sa svojim saradnicima, javlja "Avaz".



Njima se na teret stavljaju djela malverzacije oko izgradnje zgrade "Komrada" u Bihaću.

Kako saznaje "Avaz", među uhapšenima su i Hadis Jusić, Amir Delić i Jasmina Ibrahimpašić, svi iz Bihaća.

Kada SDA izgubi vlast, Izetbegović će izgubiti SDA

Domino efekat gubitka vlasti koji, iz dana u dan, SDA doživljava od Bihaća do Sarajeva i Goražda, ostavit će duboke posljedice po unutrašnju strukturu SDA ili će, ako struktura u SDA ostane ista, ovu stranku odvesti u politički kraj i(li) izolaciju.



Veliko nezadovoljstvo unutar SDA već vlada jer smatraju da ih je predsjednik stranke, Bakir Izetbegović, ostavio na cjedilu ne pokušavajući da ih “uvede u vlast” kao osnovni cilj postojanja ove stranke. Ostanak u vlasti bio je primarni cilj SDA jer, bez tog elementa, SDA bi se, sama od sebe, smanjila za 50%. Sada je jasno da će SDA ići u opoziciju prvo na kantonalnim, potom na državnom i, na kraju, na nivou Federacije BiH i Republike Srpske, piše “BNN.ba”.

Gubitak vlasti za SDA će donijeti i grube unutrašnje sukobe i promjene koji uskoro slijede pred njihov stranački kongres na kojem će ili Izetbegović izgubiti stranku ili će stranka izgubiti pola članstva i rukovodstva.

Danas u Bosni i Hercegovini, izuzev BOSS-a Mirnesa Ajanovića i, možda Stranke za BiH Amera Jerlagića, ne postoji nijedna druga stranka koja je spremna da razgovara i koalira sa SDA-om, bez obzira na cijenu.

Prevare svih koalicijskih partnera, izigravanje svih važnih dogovora, montiranje istraga, optužnica i hapšenja svakome ko je sa SDA imao bilo kakva posla, ostavile su najdublji trag na cijelu bh.političku scenu koja je, u cjelosti, odlučila da SDA pošalje prvo u opoziciju a, zatim, u potpunu političku izolaciju.

“Liderstvo” Bakira Izetbegovića, okruženog KOS-ovcima, zatim najdirektnije prevare koje je Izetbegović inaugurirao u “legitimno političko sredstvo”, potom organizovana krađa trećih izbora po redu i brutalna eliminacije Izetbegovićevih ideoloških protivnika, na čijem je čelu stajala struktura SDA

okupljena oko Izetbegovića, odveli su ovu stranku u izolaciju i na listu onih koje nije poželjno niti poznavati, a kamo li sjediti za istim stolom.

Nakon što je, zahvaljujući upravo Izetbegoviću i njegovom prvom okruženju, SDA postala najomraženija politička stranka u BiH, koja će svoju "popularnost" imati čast da izmjeri na prvim elektronskim izborima već 2020. godine, SDA mora ostati sama sa sobom naredne četiri godine.

Ostanak bez vlasti za SDA znači da će, već u maju naredne godine, kada im pada vrijeme za stranački kongres, morati potražiti novo stranačko rukovodstvo koje ih ne svađa sa cijelim političkim spektrom u BiH i koje, također, ne pravi najniže vrste spletki ostatku političke scene u BiH.

Ukoliko SDA ostane vjerna aktuelnom rukovodstvu SDA, sasvim je sigurno da će još vjernije ostati vezani za trajnu opoziciju ili će, pak, morati osvojiti 51% vlasti na narednim izborima pa da, sami sa sobom, prave vlast jer to, sa njima, niko drugi više ne želi.

BoljaBosna.com

Od 2019. skuplje polaganja vozačkog ispita: Cijena za B kategoriju oko 1.600 KM!

Hoće li od Nove godine doći do povećanja cijena polaganja vozačkog ispita? Ako je suditi prema Prednacrtu koji je Ministarstvo prometa i komunikacija Bosne i Hercegovine dostavilo nadležnim entitetskim i kantonalnim ministarstvima

na razmatranje, od 2019. godine cijene polaganja vozačkog ispita mogle bi biti više za nekoliko stotina maraka.



Prema Prednacrta koji je Ministarstvo prometa i komunikacija BiH na razmatranje dostavilo nižim nadležnim ministarstvima poskupljenje polaganja vozačkog ispita je neupitno. Ovom prijedlogu jedino se protivi Ministarstvo za prosvjetu i kulturu Republike Srpske, odnosno Zavod za obrazovanje odraslih RS-a, navodeći da je u sukobu sa Zakonom o konkurenciji u BiH.

Finansijski segment u skladu sa Pravilnikom o osposobljavanju kandidata za vozače određuje svaka autoškola ponaosob, a prijedlog svog konačnog cjenovnika dostavlja nadležnom organu za obrazovanje na ovjeru u skladu sa važećim zakonskim procesima. Osim toga, smatramo da ovako visoka cijena, koja pri tom treba da se koristi samo kao najniža, nije garant kvaliteta obuke.

Prema Prednacrtu koji je Ministarstvo prometa i komunikacija BiH na razmatranje dostavilo nižim nadležnim ministarstvima poskupljenje polaganja vozačkog ispita je neupitno. Ovom prijedlogu jedino se protivi Ministarstvo za prosvjetu i kulturu Republike Srpske, odnosno Zavod za obrazovanje odraslih RS-a, navodeći da je u sukobu sa Zakonom o konkurenciji u BiH.

Finansijski segment u skladu sa Pravilnikom o osposobljavanju kandidata za vozače određuje svaka autoškola ponaosob, a prijedlog svog konačnog cjenovnika dostavlja nadležnom organu za obrazovanje na ovjeru u skladu sa važećim zakonskim procesima. Osim toga, smatramo da ovako visoka cijena, koja pri tom treba da se koristi samo kao najniža, nije garant kvaliteta obuke.

Ostali, barem oni koji su svoje mišljenje već dostavili, pozdravljaju Prednacrt kojim bi se cijene polaganja vozačkog ispita donekle izjednačile na nivou čitave BiH.

“Formirali smo određene minimalne budžetske elemente kad je u pitanju teoretski čas iz nastavnog dijela. Tu smo uvrstili tri kriterija i predložili da nastavni čas u Prednacrtu odluke bude 7 KM, a da čas praktičnog osposobljavanja bude 30,5 KM”, navodi Zoran Andrić, pomoćnik ministra komunikacija i prometa

BiH.

Prema ovome, ukoliko se uzme u obzir propisano trajanje časova teorije i vožnje, kao i minimalni troškovi polaganja vozačkog ispita za B kategoriju bit će 1.263 KM. Kada se na to dodaju i ostali troškovi polaganja prve pomoći od 110 KM, ljekarsko uvjerenje od 50 KM, testovi od 140 KM i izlazak na testiranje od 70 KM, ukupna cijena za B kategoriju kandidate će koštati oko 1.633 KM. Ipak, cijene kao takve podržavaju Asocijacija autoškola BiH, koja je i ranije za ovim podnijela inicijativu, kao i instruktori vožnje.

“Tražili smo da se ta cijena na nivou BiH izjednači i da onda samo biramo kvalitet. Imate škola gdje će ona pasti i škola gdje će ona porasti 10 puta, ako mu se prekine prodaja za 50 maraka i ostalo”, navodi Zdravko Ivić, predsjednik Upravnog odbora Asocijacije autoškola BiH.

“Građani moraju biti svijesni da se mora ulagati u edukaciju instruktora, u bolja vozila, sigurnija vozila. To je branša koja je vrlo zahtijevna i s tim poskupljenjem dobijamo i na sigurnosti”, ističe instruktor vožnje Senad Kahrmanović.

Potrebu povećanja cijena polaganja vozačkog ispita opravdavaju činjenicom da je povećan i broj stradalih u saobraćaju. Kažu da je kod nas broj stradalih na ulicama veći nego u Evropi, a istovremeno povećanje, ističu, skraćuje mogućnosti manipulacije.

Treba napomenuti da je ovo potencijalno povećanje cijana polaganja vozačkog ispita još u fazi usaglašavanja. Jer, tek kada se sva nadležna ministarstva usaglase Prijedlog dalje ide u ruke Savjeta ministara koje će dati posljednju riječ, prenosi [“Federalna TV”](#).

[Haber.ba](#)

I večeras kamenovana kuća Đemile Talić – Gabriel u Neumu: “Ovo je strašno”

Drugi put u tri dana kuća Đemile Talić – Gabriel, počasne konzulice BiH u Australiji, našla se na meti vandala.



Nepoznate osobe večeras oko 19 sati ponovo su kamenovale kuću u Neumu, a konzulica je u to vrijeme bila u Sarajevu. U kući su, kako nam je kazala u telefonskom razgovoru, bile njene kćerka i majka.

“Ovo je strašno. Njih dvije su u šoku. Znači, neko ima toliko hrabrosti da dođe i to učini, ciljano, da donese kamenje i baca na kuću. Kćerka i mama su bile u kući. Dijete me zove i plače, kaže opet su nam kamenovali kuću. Nazvala sam policiju i rekla da bi trebali raditi svoj posao i pronaći počinioca. Tražila sam da se pregledaju snimci sa nadzornih kamera, ali opet su mi rekli da kamere ne rade. Ne znam koja im je onda svrha ako ne rade. Znam da imaju kamere na obližnjoj benzinskoj pumpi i apoteci, ali u policiji kažu: “Ne ide to tek tako””, kazala je za [Faktor](#) Talić-Gabriel.

Govori da iz policije još nije dobila nikave informacije ni o

incidentu koji se dogodio u noći sa četvrtka na petak.

“Ne znam šta da radim. Meni su poslovi ovdje u Sarajevu. Trebali da tamo u Neumu nađem nekog zaštitara pa da onda njega neko ubije kamenjem. Kuću su opet gađali sa magistrale. Tamo nema prozora ali su porazbijali crijep”, kazala je.

U MUP-u HNK za “[Faktor](#)” nisu željeli ništa reći o večerašnjem incidentu. Kazali su nam da zovemo policiju u Neumu, gdje smo dobili upute da zovemo glasnogovornika jer oni “ne smiju ništa govoriti osim da su izašli na uviđaj”. Glasnogovnik se nije javljao na telefon.

[Haber.ba](#)

Samo u 2018. godini bilo je najmanje pet poskupljenja goriva u BiH

Iako je gorivo pojeftinilo za pet feninga po litru, naši građani i dalje plaćaju skuplje gorivo u odnosu na ostale zemlje. Prema mišljenju stručnjaka, cijene nafte trebaju se dovesti u sklad sa svjetskim tržišnim cijenama kako bi se potaknuo ekonomski rast.



Bez obzira na kretanje cijene barela nafte na svjetskom tržištu, cijene u BiH spuštaju se sporo i ne odgovaraju standardu života bh. građana. Samo u ovoj godini bilo je najmanje pet poskupljenja, a prema procjenama stručnjaka, cijena goriva rasla je 60-70 feninga po litru, što posljednji pad cijene za pet feninga čini neznatnim. Stručnjaci poručuju kako je nužno da država ima strategiju gospodarenja naftnim derivatima.

“Država mora hitno intervenisati, mora poduzeti mjere da se obuzda rast cijene nafte i da se ona dovede na nivo u skladu sa svjetskim tržišnim cijenama nafte kako bi se potakao ekonomski rast”, smatra ekonomski analitičar Adnan Rovčanin, prenosi [“Federalna”](#).

“Cijena goriva je skoro kao u Njemačkoj i to je dovoljan pokazatelj da nema nikakve energetske strategije. U cijeni jednog litra goriva skoro je pola akciza i nameta, čak 32 nameta”, objašnjava predsjednik Udruženja Futura Mostar Marin Bago.

A prethodne promjene cijena goriva opteretile su dodatno bh. građane, čiji se standard ionako ne nalazi na zavidnom nivou. Prema podacima Agencije za statistiku u BiH na godišnjem nivou zabilježen je rast cijena od 1,7 posto.

Prosječni rast cijena u BiH, a na godišnjem nivou (u septembru 2018. u odnosu na septembar 2017), zabilježen je u odjeljcima hrana i bezalkoholni napici za 0,1%, alkoholna pića i duhan za 6,0%, stanovanje i režijski izdaci za 3,4%, zdravstvo za 2,4%, prijevoz za 12,1%, rekreacija i kultura za 1,2%, obrazovanje za 0,1%.

Kako cijene rastu, raste i iznos potrošačke korpe za četveročlanu porodicu.

“Svake godine je život mjesečno skuplji 200 maraka. Trenutno potrošačka korpa iznosi oko 2.000 maraka, znamo da su dvije prosječne plate oko 1.700, međutim i te dvije prosječne plaće nisu realne”, ističe Bago.

A kada je riječ o povećanju plaća, protekle dvije godine rasle su tek minimalne sektorske plaće, među njima i one u državnoj administraciji.

“Primijetili smo da je došlo do rasta u javnom sektoru, kod budžetskih korisnika, a posebno u Kantonu Sarajevo, jer su plaće povećane u ovoj godini pred izbore čak dva puta”, ističe ekonomski analitičar Zlatko Hurtić.

A nakon što se vlast formira prioritet bi, umjesto fotelje trebala biti ekonomija, kao i privlačenje stranih investicija kako bi se standard bh. građana unaprijedio.

Inzko: “Nisam protiv Srba, ja sam samo protiv onih koji osporavaju da se u Srebrenici dogodio genocid”

Visoki predstavnik međunarodne zajednice u BiH Valentin Inzko izjavio je da Rusija ima “osjećaj da je pristrasan i da je protiv Srba u Bosni, što je nonsens”.



On je u intervjuu sarajevskom “Dnevnom avazu”, koji je dao nakon što je pred Vijećem sigurnosti Ujedinjenih nacija (VSUN) podneo 18. redovni polugodišnji izvještaj o situaciji u Bosni i Hercegovini, govorio i o ruskom uticaju u BiH.

Na konstataciju novinara da ga je Kina, koja je ovog mjeseca predsjedavajuća VS UN, posebno pozdravila i pitanje” zašto je onda Moskva toliko protiv nastavka njegovog angažmana u BiH”, Inzko je odgovorio da bi “to trebalo pitati Ruse, a ne njega”.

“Njihov je osjećaj da sam ja pristrasan i da sam protiv Srba u Bosni, što je čisti nonsens. Ja sam samo protiv svih onih koji krše Dejton. To znači i protiv onih koji osporavaju da se u

Srebrenici dogodio genocid”, rekao je Inzko.

On je dodao da je “upravo u Vijeću sigurnosti rekao da su oni koji osporavaju presude Haškog tribunala, koji je osnovao ovaj organ UN, u suštini protiv Vijeća sigurnosti”, prenosi “Tanjug”.

“Vidjeli ste, mnogo je država izrazilo zabrinutost zbog povlačenja Izvještaja o Srebrenici u Republici Srpskoj (RS). Iskoristio sam priliku i u UN istakao da Srbija, za razliku od RS, svoj izvještaj o Srebrenici nije povukla. Očigledno da sada u vezi sa tim imamo razmimoilaženje između Banjaluke i Beograda”, ocijenio je Inzko.

Haber.ba

Usamljeni umiru brže!

Istražujući starenje naučnici su došli i do zaključka i da usamljenost ozbiljno može smanjiti životni vijek te da je kod onih koji se tako osjećaju mogućnost umiranja bila čak dvostruko veća.



U svijetu nauke godinama traju rasprave o tome što tačno označava starost i kada ona nastupa. Jedni misle da ona počinje zaustavljanjem rasta organizma, a drugi da se to

dogada starenjem kože ili 'popuštanjem' unutarnjih organa. No, francuski stručnjaci vjeruju da početak starenja počinje slabljenjem kognitivnih funkcija mozga i tvrde da se to ne događa u šezdesetoj godini, kako se ranije mislilo, već između 40. i 45. godine, a kod nekih ljudi čak i ranije.

Naime, istražujući starenje naučnici su došli i do zaključka i da usamljenost ozbiljno može smanjiti životni vijek te da je kod onih koji se tako osjećaju mogućnost umiranja bila čak dvostruko veća, prenosi "[Aura](#)".

David Dragičević je otkrio velike pare od trgovine oružja!?

Međunarodni pravni tim koji zastupa porodicu Dragičević sutra će u Beogradu održati radni sastanak i analizirati spise. Advokat Duško Tomić vjeruje da će tim predložiti da se postupajući tužilac Dalibor Vrećo udalji sa tog spisa. Poručuje da će vrlo vjerovatno u cijeli slučaj biti uključene i međunarodne institucije, kao što je Komisija Ujedinjenih nacija čije je sjedište u Ženevi za borbu protiv torture.



''Mislim da smo korak da otkrijemo motiv. Motiv su ogromne pare, jer saznanja koja sam dobio od određenih kriminogenih lica podzemlja Banjaluka i Sarajeva uputila su na trag da je David Dragičević kao vrstan stručnjak za laptope naišao na ogorman novac, da li nije znao reći pravu šifru ili nije htio, ali je suština u tome. Značajno je da Filip Čulum radi u jednoj organizaciji za trgovinu oružjem, Rađen radi u drugoj organizaciji sa trgovinom oružjem i navodno ključevi koji su nestali trebali su biti korišteni za izvlačenje ogromnog oružja'' – rekao je danas Duško Tomić, član Međunarodnog tima u slučaju Dragičević, piše "[BN TV](#)".

Tomić kaže da je analizirajući spise došao do neoborivih dokaza da je policija u prvoj fazi istrage radila katastrofalno, toliko da se to, tvrdi, graniči sa svjesnom namjerom. Navodi da je laptop, koji je pronađen u Crkvenoj značajan dokaz, završio u Brčkom.

''Pored silnih organizacija kakav je Institut bezbjednosti u Beogradu, pa i velikih stručnjaka u drugim velikim centrima, laptop je dospio u policiju u Brčko gdje je prvi policajac Goran Pšisi prijatelj ministra Lukača'' – kaže Tomić

Davor Dragičević je dao rok do 14 časova danas Okružnom javnom tužilaštvu da mu dostave kompletnu dokumentaciju sa izjavama svjedoka – to se nije desilo. Iz Tužilaštva je izašao bez ijednog papira. Ali, dobio je poruku od osobe koja je svjedok dešavanja kobne noći 18. marta.

''Dobio sam izjavu od djevojke koja tvrdi da njena izjava nije tačna u MUP i doći će u Banjaluka i daće pravu izjavu. Ona je trenutno vani. Natjerali su je da kaže da je David tu noć bio pijan i drogiran'' – kaže Dragičević.

Prije nego što se uputio u Tužilaštvo održao je pres konferenciju na kojoj su prikazane izjave svih koji su uključeni u istragu ovog slučaja. Video materijal prikazuje brojne nelogičnosti i propuste u istrazi o smrti Davida

Dragičevića.

Kontradiktorne su posebno izjave o tuči iza Metalske škole. Ministar Lukač kaže da nema dokaza za tu tuču kod Metalske škole, a glavni okružni tužilac da nema dokaza za tuču kod Medicinske škole. Ipak, Davor Dragičević ima svjedoka koji će da potvrdi da je nije čuo, već vidio tuču iza metalske škole.

''Ja sam bio kod gospođe Jovanke Bošnjak, ona je žena mog radnog kolege, kod nje u kući i ona je rekla da ubije i nju i djecu, da će ostati kod te izjave. I ona je meni to rekla još dok je David bio živ. Bio sam ispod njenog balkona, sve za tu tuču. Sve sam im dao. I tužilaštvu i sve. Imam pet svjedoka, pet svjedoka koje ne smijem nigdje odvesti. Ne radi njih, radi sebe, radi njihove djece. Zato što hoću da zaštitim te svjedoke, na pravi način, da im se ništa ne dogodi.'' – reko je Dragičević.

Kontradiktornosti u izjava čelnih ljudi MUP-a postoje i kada je u pitanju lokacija i video kamera koja je posljednja snimila Davida Dragičevića. Postoje i različite tvrdnje o vremenu gašenja telefona Davida Dragičevića. Zanimljivo je i da stepen povreda svako na svoj način tumači.

Dragan Lukač tvrdi da slike sa obdukcije i prije obdukcije pokazuju da na tijelu na leđima nema masnice ni packe.

Željko Karan je rekao da ima i zaživotnih i postmortalnih povreda na koljenima su dvije vrste povreda.

Lukač je govorio da nema prebijanja ruku i nogu ...

Postoje i tvrdnje da je David Dragičević bio narkoman. Međutim, toksikološki nalaz to nije potvrdio.

Tako je Lukač kazao da u konkretnom slučaju može se konstatovati da je kod ispitanika ustanovljeno prisustvo etil alkohola u prethodno navedenoj koncentraciji kao i prisustvo marihuane, kao i prisustvo LSD.

O tome je govorio i Milorad Dodik, koji je rekao da mu je Davidov ujak rekao – Znam ja da je on bio i na težim drogama i sada ja ne treba o tome da pričam.

Ispostavilo se da Aljoša Borković nije ujak Davida Dragičevića, s toga niko ne zna otkud takve informacije ministru unutrašnjih poslova i predsjedniku Republike. Davidov otac kaže da iza ubistva njegovog sina stoji država i da se ubistvo upravo iz tog razloga zataškava i zato će slučaj završiti u Sudu u Strazburu.

Riječ stručnjaka: Jedinna nada za mostarski Aluminij je Angela Merkel i prodaja Nijemcima za 1 KM

Jedan od simbola privredne Hercegovine, Aluminij d.d. Mostar došao je pred gašenje. Dok su u Mostaru danas sastančili predstavnici uprava tog preduzeća, malih dioničara i sindikata s pomoćnikom ministra u Ministarstvu energetike, rudarstva i industrije Federacije BiH, Marinkom Bošnjakom, mi smo potražili mišljenje stručnjaka gdje leži problem, ali i spas Aluminija.



Ugledni profesor Vjekoslav Domljan, predsjednik je Ekonomskog savjeta Vlade FBiH, a i odličan poznavatelj odnosa u Aluminiju, kaže kako svaki dobar majstor iz ove kompanije zna odgovor na pitanje gdje je zapravo krenulo po zlu kad je nekadašnji hercegovački gigant u pitanju, piše ["Klix.ba"](https://www.klix.ba).

"Jedan od njih je to sažeo ovako – 'Trebalo samo produžiti oluk'. Za neupućene, majstor je kazao da nije dovoljno samo proizvoditi, nego i prerađivati aluminij, a to se može već produženjem oluka tj. livanjem. Ko god izvlači, presuje ili lije aluminij, nije u gubitku, jer time povećava vrijednost aluminijskog livenja tri do pet puta, što se može vidjeti već na Širokom Brijegu ili u Jajcu, a oni koji prave dijelove za letjelice i kompjutere i do dvanaest puta. Pošto oluk nije produžen, pa se aluminij lageruje, veže lancima, vozi kamionima u Jajce, gdje se ponovo lageruje, grije i lije u kalupe od felgi – i sve to uz profit. Ako samo dva puta povećate vrijednost aluminijskog livenja, nikakva cijena energije vam ne može nauditi", kaže Domljan.

Domljan kaže i kako drugi pravac djelovanja je učinkovitije korištenje električne energije. npr. rumunski ALRO je povećao proizvodnju za petinu bez utroška ijednog dodatnog kwh električne energije.

"Aluminij nije u stanju ni investirati u mali transformator i uštediti milion KM mjesečno na smanjenju jalove struje koju mu elektroprivrede uredno fakturišu. Treći pravac djelovanja je inoviranje proizvodnje. Njemački Trimet se isključuje na 1.5 sat kad postoje špicevi potrošnje električne energije i

zaradi na tome što ne radi, jer je spustio špic i smanjio troškove sistema. Tu praksu je preuzeo slovenački Talum, ali ne i Aluminij. Četvrti pravac djelovanja je reciklaža jer se u proizvodnju sekundarnog aluminija troši svega pet posto energije od one za proizvodnju primarnog aluminija. Stoga neke dobre tvornice prodaje proizvode u prečniku od 200-300 kilometara i s dvije ili tri ture reciklaže obaraju troškove energije na nivo koju imaju proizvođači s Bliskog istoka. Ima još pravaca djelovanja, uključujući i tako banalne kao što bacanje tereta s broda koji tone. No, Aluminij i poslije globalne recesije povećava teret jer ukrcava dodatne mornare", slikovit je profesor.

Sprženih 500 miliona KM

Kad se Aluminij koncem 1990-tih digao iz pepela, trebao je djelovati u navednim pravcima, nastavlja Vjekoslav Domljan. Pošto nije, dočekao je nespreman globalnu recesiju. Zato je u gubicima od 2009. godine. Grubo kazano, 10 godina puta 50 miliona gubitaka jednako 500 miliona KM odnosno "sprženo" je deset hiljada radnih mjesta koliko ih se moglo otvoriti s istopljenim kapitalom. I još žele nastaviti takvu praksu.

"Aluminij je trebao biti globalna kompanija jer posluje po globalnim kriterijima (aluminij, glinica, električna energija itd.) i imati upravljače koji poznaju globalna tržišta, vladaju vještinama strateškog menadžmenta, poznaju aluminijsku tehnologiju, metode uštede energije i sl. Umjesto toga traženi su upravljači među referentima bankarskih filijala ili lokalnih trgovina po Širokom, Grudama, Konjicu... Stoga je brodolom šok jedino za uveliko neupućene", smatra Vjekoslav Domljan.

Sindikati, dijelom uprava, a onda i lokalni mediji, čak i političke stranke u zadnjih dana kreiraju priču da je za sve kriv vlasnik, odnosno da je za stanje u kojem se nalati Aliminij odgovorna Vlada FBiH. Domljan je drugačijeg mišljenja...

“Vlasnici Aluminijska su Vlada FBiH 44 posto, mali dioničari 44 posto i Republika Hrvatska 12 dvanaest. Vlada i mali dioničari biraju po tri predstavnika, a RH jednoga u nadzorni odbor. Svi su oni imali na uvidu programe onih koje su birali za direktore i prihvatili takve programe i te direktore. Za to je Vlada FBiH, i to od 2014. godine, kriva 44 posto, ostali su krivi 56 posto, a prije 2014. godine i punih sto posto. Nema smisla staviti šef člana nadzornog odbora na glavu i birati program i direktora, a onda staviti na glavu sindikalni šef i kriviti Vladu FBiH. Zamislite da primjerice Vlada podere svoje dionice, jer ima pravo s njima raditi što želi. Koga će onda kriviti sindikati”, zapitao se naš sagovornik.

Svijet se mijenja, mostarski Aluminij radio po starom

Stvar je u tome da Aluminij djeluje na potpuno istovjetan način u cijelom poslijeratnom razdoblju i da – bilo nebilo vlade tu – ne mijenja taj način djelovanja ni za dlaku, nastavlja Domljan. Profesor Marin Buble je 2013. godine kazao: “Obišao sam sve tvornice u bivšoj Jugoslaviji, ali ovako nešto nisam vidio”. Nema inovativnog korištenja resursa, čak ni produktivnog korištenja resursa. Grijech Vlade, koja je prisutana u Aluminiju od 2014. godine, je u propustu. Propustila je djelovati da se takvo stanje promijeni. No, iluzorno je bilo to i očekivati, jer kako Vlada djeluje drugdje, djeluje i u Aluminiju. Ukrcaj svoju posadu i vozi dalje, pa dok ide, ide.

“Svako može otići na web stranicu Hydra, Trimeta, Slovalca, ALRO-a i drugih europskih proizvođača aluminijska i vidjeti da svi posluju pozitivno. Ono što na web stranicama nećete vidjeti jesu bilance Aluminijska. Na njegovoj web stranici možete pronaći informacije o likovnim izložbama, nogometnim turnirima, ali ni riječi o produktivnosti, inovacijama, konkurentnosti, globalnim lancima vrijednosti i sl. Na taj princip zadruškarskog djelovanja, ograđenosti svim mogućim ogradama, fizičim, mentalnim i ostalim od modernog svijeta. Globalna situacija jest teška, biće još i teža u naredne

dvije-tri godine, ali evropske tvornice aluminijske djeluju efikasno i inovativno i stoga profitabilno. Od evropskih tvornica u gubicima su jedino podgorički KAP Unipromet, odavno u stečaju, i Aluminij”, jasan je profesor Domljan.

U Slovačkoj nisu znali šta je aluminij do 1993. godine, nastavlja naš sagovornik, no Slovalco izuzetno uspješno posluje, a Slovačka proizvodi najviše automobila per capita na svijetu, uveliko i od aluminijske. Slovalco proizvodi skoro dva puta više sa skoro dva puta manje zaposlenih nego Aluminij. Slovalco je 2014. godine potpisao osmogodišnji ugovor za električnu energiju. Šta možete očekivati od onih koji imaju ugovore za električnu energiju na sedam dana pa do maksimalno pedeset sedmica.

Nada je u Berlinu i ime joj je Angela

Logično je pitanje koje se postavlja, a koje smo mi postavili profesoru Domljanu, ima li spasa za Aluminij...

“Ima tračak nade. Oni koji su kumovali ovakom stanju Aluminij mogu se za grijeh iskupiti tako što će poljubiti papuču gospođi Merkel i zamoliti je da posreduje da Trimet kupi Aluminij, čak i za 1 KM ako nikako drukčije. Ako su to uradili neki puno veći od BiH i od Aluminij, zašto ne bi i političari FBiH, konkretno, hdzeovac da poljubi desnu, a sdepeovac u lijevu papuču. Ako nije jasno zašto SDP, treba se prisjetiti da je prva vlada koja je ušla u Aluminij i uvodila prve nadzorne odbore i prve direktore bila sdepeovska vlada. Naravno, nije SDP radio sam, zato mu i jeste rezervirana samo lijeva papuča. Pretpostavljamo da će Trimet pristati uz dva uslova: da FBiH participira u rješavanju problema i da mu se prethodno rasčisti teren. Kratko kazano terapiju treba tražiti kod onog koji zna, može i hoće da ju pruži. To što oko Aluminij krive jedni druge, samo produljuje i produbljuje krizu. Slovalco vrijedi 300 miliona eura, a Aluminij je već do sada spržio 250 miliona eura. Stoga već danas put pod noge. Sutra će već biti kasno, jer s 300 miliona eura možete

napraviti novu tvornicu, bez dugova i repova", kazao je na kraju profesor Vjekoslav Domljan.

Zoran Krešić, novinar Večernjeg lista i dobar poznavatelj prilika u Aluminiju kaže kako su plate radnicima mostarskog Aluminija poredeći s ostalima visoke za bosanskohercegovačke prilike i najmanje su dvostruko veće od federalnog prosjeka.

"No, da uprava preduzeća sada obustavi isplatu plaća do daljnjega, u ukupnim troškovima bila bi samo kap u moru. Naime, ukupno čine između pet i šest posto svih troškova. Od početka američko-EU, nakon toga i američko-ruskog te američko kineskog trgovinskog rata cijene sirovina i metala na berzama krajnje su nestabilne. U odnosu na prošlu godinu Aluminij plaća za 190 dolara veću cijenu glinice, cijena struje je 70 eura po megawatsatu, dok se 'podnošljivom' smatra oko 40 eura, cijene petrol koksa također su bitno veće u odnosu na isti period prošle godine", kaže Krešić.

Struja sada čini 50 posto ukupnih troškova proizvedene tone metala aluminija koji je na svjetskome tržištu također veći u odnosu na prošlu godinu i iznosi oko 2.100 dolara po toni, ali ne toliko da može pokriti troškove.

"Sada se u pogonima Elektrolize mostarske kompanije sa svakom tonom metala proizvodi gubitak od nekoliko stotina dolara. Za razliku od vlasti u Federaciji BiH, Republika Srpska ima diferencirane cijene električne energije za proizvođače u metalnoj industriji. Zbog posljednje krize posebne mjere uvela je Vlada Crne Gore, Rumunija, Slovenija. Samo Federacija BiH nema posebnih mjera. Bez statusa posebne, strateške kompanije Aluminij će 'sutra' biti ugašen, a takva sudbina čeka i vezane kompanije širom BiH", zaključuje novinar Večernjeg lista, Zoran Krešić.